



## KOMMUNIP PUTTASUUTAANUT MALITTARISASSIAQ.

### **Atuuffia.**

Una malittarisassiaq puttasunut illoqarfinni nunaqarfinnilu nunaannarmilu susassaqarfiusunut Qeqqata Kommunianit pigineqartunik ingerlanneqartunullu atuuppoq. Malittarisassiaq taamaalilluni umiatsiaaraatilinnit nammineq puttasulinnut oqartussaqarfilla allat puttasuutaannut atuutinngilaq.

### **Puttasoq kimit atorneqarsinnaava.**

Malittarisassiamik matuminnga naapertuuttumik atuisoqarpat puttasoq kikkunnilluunniit atorneqarsinnaavoq. Puttasunik atuineq akileraaruteqaranilu akiliutitaqanngilaq. Puttasut angallatinut anginerusunut uuttugaanngimmata angallatit 20 fods-inik (6m sinnerlugu angissusilinnit) anginerusunit pituttorfittut atorneqaqqusaanngillat. Angallatit puttasinnaasut kisimik puttsumut pitunneqarsinnaapput.

### **Puttasut qanoq atorneqassappat.**

Angallannermut pituttiinermullu puttsumik atuineq, ajutuuttoqassagaluuarpat pisoqassagaluarpalluunniit nammineq akisussaaffigalugu pissaaq. Angallat puttsumik imaluunniit angallammit minnerusumit atorneqarsimanermik patsiseqartumik ajoquusersimatillugu kommuni taarsiisussanngortinneqarsinnaanngilaq. Puttasumi atuisut allat isumannaatsumik pisullutik angalasarsinnaanerat eqqarsaatigalugu, allanik puttsumik puttassulluunniit majuartarfianik quatsertisinnaasunik suliaqartoqaqqusaanngilaq, tassa imaappoq, puttsumi puttassulluunniit majuartarfiani aaliakkanik tisasoqaqqusaanngilaq pisanilluunniit pilattoqaqqusaanani. Puttasup majuartarfia tamatigut aqqutissaatinneqartassaaq. Puttasumi puttassulluunniit majuartarfiani atortunik uninngatitsisoqassanngilaq atortuiteqartoqaraniluunniit.

### **Qanoq tikittoqartassava pituttortoqarlunilu.**

Puttasut eqqaanni immap naammattumik itissusseqarsinnaanissaanut neriorsuisoqarsinnaanngilaq. Immap tininnerpaaffiani puttasup ilaa immap naqqani tunngasinnaavoq. Puttasumi ikkunneqarsinnaasutut tulluarsagaasut kisimik pituttorneqarsinnaapput, pituttuinerlu pissalluni pitussimasut allat pituussaarsimmaanngorlugit. Atuisunut allanut akornutaasumik avalatsitsissumik imaluunniit pituutaq takisooq atorlugu pituttusoqaqqusaanngilaq. Kalunnerit/wire-rit paarnaarsaatilluunniit atorlugit puttsumut pituttortoqaqqusaanngilaq. Angallatit puttsumut pituttorneqartut qularnaatsumik attuussarnaveeqquteqassapput, angallatillu sinaa tamakkerlugu sinaakkuteqassalluni. Angallat puttsumiitillugu sinaani atortunik atortorissaarutinilluunniit nuugissunik ipitsunilluunniit anillangasoqassanngilaq. Angallammik piginnittut allat angallamminnik angalasinnaanerat ataqqisassavaat.

### **Qanoq innikkut puttasoq imaaniitinneqartarpa.**

Puttasut piffissami sikuunnginnerani imaaniitinneqartarp, piffissamik qularnaatsumik tunniussisoqarsinnaanngilaq, sila iluarsartuussinissarluunniit apeqquaassammata. Ukiuunerani imaluunniit sapaatip akunneranik ataatsimik sioqqutsilluni nalunaaruteqarnikkut puttusat nunamut

qaqinnejartarpuit. Puttasut peerneqannginnerini angallatit peerneqarsimanngitsut, angallammik piginnittup akisussaaffigisaanik nunamut pituttorneqassapput.

**Saaffiginnissutit.**

Kommunip puttasui pillugit saaffiginnissutit uunga saaffiginnissutigineqassapput, Qeqqata Kommunia, Box 1014, 3911 Sisimiut, e-mail [qeqqata@qeqqata.gl](mailto:qeqqata@qeqqata.gl) imaluunniit oqarasuaat 702100 allakkasuartaalluunniit 702177.

**Atuutitsineq.**

Atortorissaarutit atortulluunniit puttasumi ilineqarsimasut taarsiisussaatitaanngitsumik ilisimatseqqaaraniluunniit peerneqassapput. Malittarisassiamut uunga naapertuutinngitsumik puttasunut angallatit pitussimasut ilisimatseqqaarani peerneqassapput.


**Atuutilerfia.**

Kommunalbestyrelsip akuersissutigereerpagu ullut 30-t ingerlaneranni malittarisassiat atuutilersinneqassapput.

2011-mi xx-mi Qeqqata Kommunalbestyrelsianit akuersissutigineqarpoq.



Hermann Berthelsen  
Borgmesteri



Paneeraq Olsen  
Kommunimi pisortaaneq

*Eqqagassanik eqqaanermut tunngatillugu pisortat katersuisarnermut aaqqiissutaat innersuussutigineqarput kommunillu eqqagassalerinermut maleruaqqusai malinneaqqullugit. Uuliakunut eqqagassanullu ulorinartunut soorlu batterikunut malittarisassat immikkut ittut atuupput. Kommunip eqqaasarnermut malitarisassai, kommunip allaffianut saaffiginninnikkut imaluunniit kommunip nittartagaani [www.qeqqata.gl-imi](http://www.qeqqata.gl-imi) pissarsiarineqarsinnaavoq.*